

## REPORT OF THE BOARD OF DIRECTORS

### পরিচালকমন্ডলীর প্রতিবেদন

#### বিসমিল্লাহির রাহমানির রাহিম।

সম্মানিত শেয়ারহোল্ডারবৃন্দ - আসসালামু আলাইকুম।

প্রভাতী ইন্স্যুরেন্স কোম্পানী লিমিটেড-এর ২৮-তম বার্ষিক সাধারণ সভায় আপনাদের সকলকে স্বাগত জানাই এবং ২০২৩ইং সালের ৩১শে ডিসেম্বর তারিখে সমাপ্ত বছরের পরিচালনা পরিষদের প্রতিবেদন এবং নিরীক্ষিত হিসাব ও নিরীক্ষকের প্রতিবেদন আপনাদের নিকট উপস্থাপন করছি। এই সুযোগে কোম্পানীর প্রতি আপনাদের অবিচল বিশ্বাস এবং অকুণ্ঠ সহযোগিতার জন্য পরিচালকবৃন্দ এবং আমার পক্ষ থেকে আপনাদের সবাইকে কৃতজ্ঞতা ও ধন্যবাদ জানাচ্ছি। আমাদের প্রতি আপনাদের বিশ্বাস ও সহযোগিতা না থাকলে প্রতিকূল ব্যবসায়িক পরিবেশে আমরা আমাদের লক্ষ্য অর্জন করতে পারতাম না।

#### সাফল্যের অভিযাত্রা

১৯৯৬ সালের ২রা এপ্রিল যাত্রা শুরু করে প্রভাতী ইন্স্যুরেন্স কোম্পানী লিমিটেড অত্যন্ত সফলতার সাথে ইন্স্যুরেন্স কার্যক্রম চালিয়ে আসছে। “সেবাই প্রথম” এই মূলমন্ত্রে দীক্ষিত হয়ে বাংলাদেশের বীমা জগতে যে ঐতিহাসিক যাত্রা শুরু করেছিলাম তার পথ ধরে অত্যন্ত সফল ও অত্যাধুনিক প্রযুক্তি-নির্ভর বীমা সেবা উপহার দিয়ে চলেছি। বর্তমানে মোট ৬১টি শাখার মাধ্যমে আমরা সারাদেশে বীমা কার্যক্রম পরিচালনা করছি এবং গ্রাহকদের দোরগোড়ায় বীমা সেবা পৌঁছে দিয়ে আসছি। আপনাদের সকলের সহযোগিতা, আস্থা ও মূল্যবান পরামর্শ আমাদের এ অগ্রযাত্রায় পাথেয় হিসাবে ছিল যা ভবিষ্যতে অব্যাহত থাকবে বলে আমরা বিশ্বাস করি।

#### বিশ্ব অর্থনৈতিক পরিস্থিতি

বিশ্বব্যাপী নানাবিধ উদ্যোগ ও প্রয়াস সত্ত্বেও বিশ্ব অর্থনৈতিক পরিস্থিতি আশাব্যঞ্জক নয়। ২০২৩ সালে উন্নত ও উন্নয়নশীল দেশের অর্থনীতিতে করোনা ভাইরাসের জন্য এক ধরনের অস্থিরতা বিরাজ করেছে। যুক্তরাষ্ট্র ও চীনসহ অন্যান্য রাষ্ট্রের বাণিজ্যে ধীরগতি, ইউক্রেন-রাশিয়া, ইসরাইল-ফিলিস্তিন যুদ্ধ ও মধ্যপ্রাচ্যের দেশসমূহে একদিকে রাজনৈতিক অস্থিরতা, অন্যদিকে করোনা ভাইরাসের প্রভাব বিশ্ব বাণিজ্যের উপর বড় প্রভাব ফেলে।

#### বাংলাদেশের অর্থনীতি

২০২২-২০২৩ অর্থবছরে বাংলাদেশ ৬.০০ শতাংশ প্রবৃদ্ধি অর্জন করেছে। প্রবাসীদের প্রেরিত অর্থ এ অর্থবছরে প্রায় ২৩ বিলিয়ন মার্কিন ডলার যা দেশের অর্থনীতিতে প্রবৃদ্ধির ধারা অব্যাহত রাখতে গুরুত্বপূর্ণ অবদান রেখেছে। রপ্তানির ক্ষেত্রেও প্রবৃদ্ধির ধারা বজায় রাখতে সক্ষম হয়েছে। রেমিট্যান্স আয়ের সচলতা অর্থনৈতিক প্রবৃদ্ধিতে সহায়কা ভূমিকা পালন করেছে।

## ব্যবসায়িক সফলতা

২০২৩ সালে আমাদের কর-পূর্ব নীট মুনাফা হলো ১১.৬৬ কোটি টাকা। ব্যাংক ও অন্যান্য আর্থিক প্রতিষ্ঠানে বিনিয়োগ রয়েছে ৭৩.৭৯ কোটি টাকা এবং শেয়ারে বিনিয়োগ রয়েছে ৭.৫৩ কোটি টাকা।

সঠিক কৌশল, ঝুঁকির দক্ষ ব্যবস্থাপনা, আমাদের পরিচালনা পরিষদের নেতৃত্ব ও সঠিক দিক-নির্দেশনা, কোম্পানীর ব্যবস্থাপনা পরিচালকসহ সকল কর্মকর্তা কর্মচারীদের সার্বিক ব্যবস্থাপনা, অক্লান্ত প্রচেষ্টা এবং সম্মানিত গ্রাহকগণের সহযোগিতা ও পৃষ্ঠপোষকতায় ব্যবসায়িক সফলতা বজায় রাখা সম্ভব হয়েছে।

## ঝুঁকি ব্যবস্থাপনা

বীমা শিল্পে বিদ্যমান ঝুঁকিসমূহ সম্পর্কে কোম্পানী সদা সচেতন। ঝুঁকিসূহকে গ্রহণযোগ্য পর্যায়ে রাখতে প্রতিনিয়ত ব্যবসায়ের সাথে সম্পৃক্ত বিদ্যমান ঝুঁকিসমূহ চিহ্নিতকরণ, পর্যবেক্ষণ ও পর্যালোচনা, ডাটাবেস হাল-নাগাদকরণ এবং গ্রাহক, শুভানুধ্যায়ী ও শেয়ারহোল্ডারদের স্বার্থ সংরক্ষণের জন্য সংশোধনমূলক বা সতর্কতামূলক ব্যবস্থা গ্রহণ করে থাকে।

## ব্যবসা কর্মক্ষমতা

### অগ্নি বীমা ব্যবসা

কোম্পানী প্রত্যক্ষ অগ্নি বীমার ব্যবসা থেকে ২০২২ সালের মোট প্রিমিয়াম আয় ৪০৩.৫১ মিলিয়নের বিপরীতে এ বছর প্রিমিয়াম আয় করেছে প্রায় ৪৪৩.৩৮ মিলিয়ন টাকা, পুনঃবীমা প্রিমিয়ামের যথাযথ সংস্থানের পর অগ্নি বীমা ব্যবসায় নীট প্রিমিয়াম হয়েছে ৩৪৮.১৭ মিলিয়ন টাকা। কোম্পানী অগ্নি বীমা ব্যবসা থেকে ২০২৩ সালে ৩১.৭১ মিলিয়ন টাকা অবলিখন ক্ষতি হয়েছে যা ২০২২ সালে ৮৭.০৭ মিলিয়ন টাকা ক্ষতি ছিল।

### নৌ বীমা ব্যবসা

নৌ বীমা ব্যবসা থেকে কোম্পানীর মোট প্রিমিয়াম আয় ২০২২ সালে ৬০৪.৮৬ মিলিয়ন টাকা থেকে কমে এ বছর হয়েছে ৫৯৪.৬৩ মিলিয়ন টাকা, যথাযথ পুনঃবীমা প্রিমিয়াম প্রদানের পর নীট প্রিমিয়াম আয় হয়েছে ৪২৯.৩৭ মিলিয়ন টাকা। কোম্পানী নৌ বীমা ব্যবসা থেকে ২০২২ সালের ২০৯.৩৩ মিলিয়ন টাকা অবলিখন মুনাফার স্থলে এ বছর মুনাফা হয়েছে ১৫২.৩৪ মিলিয়ন টাকা।

### মোটর ও বিবিধ ব্যবসা

মোটর ও বিবিধ বীমা ব্যবসা থেকে ২০২২ সালে ১৫১.৪৫ মিলিয়ন টাকার স্থলে এ বছর মোট প্রিমিয়াম আয় হয়েছে ১৬৫.৩১ মিলিয়ন টাকা। এ খাত থেকে আয় হয়েছে ৬.৯৭ মিলিয়ন টাকা।

### অভ্যন্তরীণ নিয়ন্ত্রণ ব্যবস্থা

কোম্পানীর অভ্যন্তরীণ নিয়ন্ত্রণ ব্যবস্থা শক্তিশালী করার জন্য পরিচালনা পরিষদের পাশাপাশি বিভিন্ন উপ-কমিটির মাধ্যমে নিয়মিত তদারকি করা হচ্ছে। কোম্পানীর প্রত্যেক বিভাগের সুনির্দিষ্ট দায়িত্ব বন্টন করা আছে এবং জবাবদিহিতা নিশ্চিত করা হচ্ছে।

### তথ্য প্রযুক্তি

বর্তমান সময়ে তথ্য প্রযুক্তির ব্যবহার ব্যতীত ব্যবসায় প্রত্যাশিত ফলাফল অর্জন কোনভাবেই সম্ভব নয়। এ উপলব্ধিতে ব্যবসা পরিচালনায় সকল শাখার কার্যক্রম কম্পিউটারাইজড করা হয়েছে। এর ফলে সিদ্ধান্ত গ্রহণ ও বাস্তবায়ন মসৃণ, সহজ ও দ্রুততর হচ্ছে। e-bima এর মাধ্যমে প্রভাতী ইন্স্যুরেন্স সারাদেশের সকল গ্রাহকের দোড়গোড়ায় বীমা সেবা পৌঁছে দিতে সক্ষম হয়েছে।

### শাখাসমূহ

দেশে সম্প্রসারিত ৬১টি শাখার মাধ্যমে কোম্পানী ব্যবসা চালিয়ে যাচ্ছে। সেখানে সুশিক্ষিত ও দক্ষ জনবল কর্মরত রয়েছে। অধিকাংশ শাখাপ্রধান বীমা পেশায় দীর্ঘ দিনের কর্ম অভিজ্ঞতাসম্পন্ন এবং বীমা ব্যবসা পরিচালনায় সফল ক্যারিয়ারের অধিকারী।

### প্রধান আর্থিক বৈশিষ্ট্য

২০১৯ইং সাল হতে ২০২৩ইং সাল পর্যন্ত আপনাদের কোম্পানীর অর্জিত আর্থিক বৈশিষ্ট্যসমূহ নিম্নে উপস্থাপন করা হলো:

বিবরণ	২০২৩	২০২২	২০২১	২০২০	২০১৯
মোট প্রিমিয়াম আয়	১২০.৩৩	১১৫.৯৮	১০৫.৬২	৯২.৪৬	৭৭.১৬
নীট প্রিমিয়াম আয়	৮৮.৯৮	৯০.৩২	৮১.১৮	৭৫.৩৬	৬৩.৮৬
মোট দাবী পূরণ	২৪.৩২	২২.৬৭	২৪.৫৫	২৮.০৯	২৩.৪৬
ই পি এস	২.২০	২.৫২	৪.৩০	৩.১০	২.৩৮
প্রস্তাবিত লভ্যাংশ	১২.৫০% (C)	১২% (C)	১৬% (S) & ১০% (C)	১৭% (S)	১২% (C)
নীট এ্যাসেট ভ্যালু পার শেয়ার	২০.৯৯	২০.৬৮	২২.৩৪	২১.১১	১৮.৯৪
অপারেটিং ক্যাশ ফ্লো পার শেয়ার	০.৬৩	১.৮৯	৭.০৭	১০.৭২	৫.৪৭

## বীমা দাবী

২০২৩ সালে কোম্পানী সর্বমোট ২৪.৩২ কোটি টাকার দাবী নিষ্পত্তি করেছে। সম্মানিত গ্রাহকদের দাবী পূরণে কোম্পানী সর্বদাই অত্যন্ত আন্তরিক ও যত্নশীল।

## পুনঃবীমা ব্যবস্থা

রাষ্ট্রীয় মালিকানাধীন সাধারণ বীমা কর্পোরেশনের সাথে শ্রেণীভিত্তিক পুনঃবীমার চুক্তির দ্বারা প্রভাতী ইন্স্যুরেন্স কোম্পানী লিমিটেড ব্যবসা করে আসছে। বর্তমানে কোম্পানী যে কোন অংকের বীমা করতে সক্ষম, যেহেতু তার পুনঃবীমা চুক্তিটি এমনভাবে বিন্যস্ত যাতে উচ্চমূল্যের প্রকল্প রি-ইন্স্যুরেন্স ট্রিটি ও ফেকালটেটিভ ব্যবস্থার আওতায় কাভার করা যায়। এছাড়াও প্রযোজ্য ক্ষেত্রে কিছু ঝুঁকির বীমা অংক বিবেচনায় নিয়ে প্রভাতী ইন্স্যুরেন্স কোম্পানী লিমিটেড বিদেশী পুনঃবীমা কারীর নিকট ফ্যাকালটেটিভ পুনঃবীমা করে থাকে।

## কোম্পানীর যানবাহন

কোম্পানীর নামে নিবন্ধনকৃত মোট ৩৯টি মোটর গাড়ি এবং ৩৮টি মোটর বাইক রয়েছে যার বর্তমান মূল্য ৭.০৫ কোটি টাকা। গাড়িগুলোর মধ্যে প্রধান কার্যালয়ে ১৩টি ও কোম্পানীর বিভিন্ন শাখায় বীমা ব্যবসা আহরণে ২৬ টি মোটর গাড়ি এবং ৩৮টি মোটর বাইক ব্যবহৃত হচ্ছে। উক্ত গাড়ি পরিচালনা ব্যয় ৬৪.৩৩ লক্ষ টাকা।

## লভ্যাংশ

আমাদের কোম্পানী ১লা জানুয়ারী থেকে ৩১শে ডিসেম্বর, ২০২৩ সালে ১১.৬৬ কোটি টাকা কর-পূর্ব মুনাফা অর্জন করেছে। লাভ থেকে অস্বাভাবিক ধরনের ক্ষতি, আয়কর, আনরিয়েলাইজ লসের জন্য রিজার্ভ ও বিগত বৎসরের ডিভিডেন্ড বাদ দিলে লভ্যাংশ প্রদানের জন্য ৪.২৫ কোটি টাকা থাকে, যার বিবরণ নিম্নে প্রদত্ত হলোঃ

বিবরণ	টাকা	টাকা
বিগত বছরের উদ্বৃত্ত মুনাফা	৪.৯৪	
যোগঃ ২০২৩ সালের নীট লাভ	১১.৬৬	১৬.৬০
বিয়োজনঃ অস্বাভাবিক ক্ষতির জন্য বরাদ্দ	৪.৫৪	
কর বাবদ বরাদ্দ	২.৭৯	
শেয়ারের বিপরীতে অনাদায়ী ক্ষতি	০.১৮	
বিগত বৎসরের লভ্যাংশ প্রদান	৪.৮৪	১২.৩৫
২০২৩ সালের লভ্যাংশ বিতরণের জন্য নীট বরাদ্দ		৪.২৫
২০২৩ সালের জন্য প্রস্তাবিত লভ্যাংশ ১২.৫০% নগদ		

নোটঃ পরিচালনা পরিষদ ২০২৩ সালের জন্য শেয়ারহোল্ডারগণকে ১২.৫০% নগদ লভ্যাংশ প্রদানের সুপারিশ করেছে। উক্ত সুপারিশ গৃহীত হলে লভ্যাংশ বিতরণের জন্য কোম্পানীর রিজার্ভ থেকে ১.২৬ কোটি টাকা পরিশোধ করতে হবে।

## নিরীক্ষক

মেসার্স এ. হক এন্ড কোং চার্টার্ড একাউন্টেন্টস কে ২০২৪ সালের জন্য ৩,৩০,০০০ (তিন লক্ষ ত্রিশ হাজার) টাকা ফি তে অডিটর হিসেবে নিয়োগের সুপারিশ করছি।

## কর্পোরেট গভর্নেন্স কমপ্লায়েন্স অডিটর নিয়োগ

বিধি মোতাবেক এ বছর কর্পোরেট গভর্নেন্স কমপ্লায়েন্স অডিটর মেসার্স হারুনুর রশিদ এন্ড এসোসিয়েটস চার্টার্ড সেক্রেটারিস এন্ড ম্যানেজম্যান্ট কনসালটেন্টসকে ৩০,০০০/= (ত্রিশহাজার) টাকা ফিস নির্ধারণ করে ২০২৪ সালের জন্য কর্পোরেট গভর্নেন্স কমপ্লায়েন্স অডিটর হিসাবে পুনঃ নিয়োগের সুপারিশ করছি।

## পরিচালকগণের অবসর ও নির্বাচন

ক) কোম্পানীর সংঘ-বিধির ১১২নং বিধি মোতাবেক ‘ক’ গ্রুপের নিম্নবর্ণিত পরিচালকগণ এই সভায় আবর্তনক্রমে অবসর গ্রহণ করবেন এবং তাহারা পুনঃনির্বাচনের জন্য যোগ্য বিধায় পুনঃ নিয়োগের আগ্রহ প্রকাশ করেছেন।

- ১। জনাব শাহজাহান কবির
- ২। জনাব মো: আব্দুর রহমান আনছারী

পরিচালক জনাব মারুফ সান্তার আলী ব্যক্তিগত কারণে পরিচালক পদ হতে অব্যাহতি নেন, এবং তিনি পুনরায় পরিচালক হওয়ার আবেদন করেন। উক্ত পরিচালকগণ অনেক বৎসর থেকে পরিচালনা পর্ষদের সঙ্গে যুক্ত আছেন। পরিচালনা পর্ষদের সদস্য হওয়ার জন্য যে সকল যোগ্যতার প্রয়োজন তার সবই তিনজনের মধ্যে বিদ্যমান। উল্লেখিত পরিচালকগণের নিয়োগ/পুনঃনিয়োগের বিষয়ে সভায় বিস্তারিত আলোচনা হয়। আলোচনান্তে উপরোক্ত তিনজন পরিচালকের নিয়োগ/পুনঃনিয়োগের সুপারিশ বার্ষিক সাধারণ সভায় উপস্থাপনের সিদ্ধান্ত গৃহীত হয়।

খ) পাবলিক শেয়ারহোল্ডার থেকে পরিচালক নিয়োগ:

বীমা আইন, ২০১০ এবং বাংলাদেশ সিকিউরিটিজ এন্ড এক্সচেঞ্জ কমিশনের নোটিফিকেশন এবং কোম্পানীর সংঘ-বিধি অনুযায়ী ‘খ’ গ্রুপের পরিচালক হবেন উদ্যোক্তা পরিচালকের এক তৃতীয়াংশ। সেই অনুযায়ী বোর্ডে সর্বোচ্চ ৩ (তিন) জন পাবলিক শেয়ারহোল্ডার পরিচালক থাকবেন। কোম্পানী আইন অনুযায়ী উক্ত পরিচালকগণ আবর্তনক্রমে অবসর গ্রহণ করবেন। এ বৎসর পরিচালকগণ থেকে নিম্নোক্ত পরিচালক অবসর গ্রহণ করেন।

### ১. জনাব প্রদীপ কুমার দাস

বর্তমানে পাবলিক শেয়ারহোল্ডার থেকে ০৩ (তিন) জন পরিচালক রয়েছেন। এ অবস্থায় খ-গ্রুপ ক্যাটিগরিতে তথা পাবলিক শেয়ারহোল্ডার থেকে ০১ (এক) জন পরিচালক নির্বাচিত করা হবে।

গ) স্বাধীন পরিচালক নিয়োগ:

বাংলাদেশ সিকিউরিটিজ এন্ড এক্সচেঞ্জ কমিশনের কর্পোরেট গভর্নেন্স কোড অনুযায়ী প্রতি ৫ জনের ১ জন স্বাধীন পরিচালক থাকতে হবে। কর্পোরেট গভর্নেন্স কোড অনুযায়ী প্রত্যেক স্বাধীন পরিচালক ০৩(তিন) বছরের জন্য ২ বার নিয়োগপ্রাপ্ত হতে পারবেন। বিএসইসি-এর কর্পোরেট গভর্নেন্স কোড অনুযায়ী আমাদের কোম্পানিতে স্বাধীন পরিচালক নিয়োগের প্রয়োজনীয়তায় নিম্নোক্ত ২ জন পরিচালক তাদের পরিচালক হিসেবে নিয়োগের জন্য আবেদন করেন।

- ১। প্রফেসর এম. হারুনুর রশিদ, পিএইচডি
- ২। কিশোর আমিন, এফসিএ

NRC কমিটি তাদের জীবন বৃত্তান্ত পর্যালোচনা করেন। স্বতন্ত্র পরিচালকের যে সকল শিক্ষাগত যোগ্যতা থাকা দরকার তাদের সে যোগ্যতা আছে এবং স্বতন্ত্র পরিচালক নিয়োগের ক্ষেত্রে যে সকল প্রতিবন্ধকতা রয়েছে তা নেই। NRC কমিটি সর্বসম্মতিক্রমে জনাব প্রফেসর এম. হারুনুর রশিদ, পিএইচডি ও কিশোর আমিন, এফসিএ কে স্বতন্ত্র পরিচালক হিসেবে নিয়োগের সুপারিশ করেন।

## Credit Rating

Argus Credit Rating Ltd. 2023-2024 সালের জন্য কোম্পানীর Credit Rating করেছে। কোম্পানী Credit Rating Grade ‘AAA’ Credit Rating-এর ভিত্তিতে আমাদের কোম্পানীর অবস্থান অনেক ভাল নিম্নে Rating এবং Details দেয়া হলো :

Publishing Date	Rating Validity	Rating Action	Long Term Rating	Short Term Rating	Out look
September 13, 2023	September 13, 2024	Surveillance-2	AAA	ST-2	Stable

## মানবসম্পদ

আমরা জানি ব্যবসার সাফল্য প্রতিষ্ঠানের কর্মীদের দক্ষতা এবং যোগ্যতার উপর নির্ভরশীল। তাই মানবসম্পদ উন্নয়নে আমরা গুরুত্ব দিয়ে থাকি। আমরা বিভিন্ন সময় বিভিন্ন মেয়াদে বীমার উপর প্রশিক্ষণের জন্য বাংলাদেশ ইন্স্যুরেন্স একাডেমি, বাংলাদেশ ইন্সটিটিউট ফর প্রফেশনাল ডেভেলপমেন্ট এর মাধ্যমে কোম্পানীর কর্মকর্তাগণের নিয়মিত প্রশিক্ষণ নিয়ে থাকি। এছাড়াও আমরা আমাদের জনবলের দক্ষতা বৃদ্ধির কাজ করে যাচ্ছি। কাজের দক্ষতা মূল্যায়ন করার জন্য বিভিন্ন পদ্ধতি গ্রহণ করে থাকি।

## কর্পোরেট এবং আর্থিক প্রতিবেদন

কোম্পানী বাংলাদেশ সিকিউরিটিজ এন্ড এক্সচেঞ্জ কমিশন কর্তৃক প্রণীত কর্পোরেট গভর্নেন্স এর আবশ্যিকগুলো যথাযথভাবে পালন করেছে।

তদনুরূপ পরিচালকমন্ডলী নিম্নলিখিত বিষয়গুলো নিশ্চিত করেনঃ

- ক) কোম্পানী আইন, ১৯৯৪, বীমা আইন, ২০১০ প্রযোজ্য ক্ষেত্রে বীমা আইন ১৯৩৮ এবং সিকিউরিটি ও এক্সচেঞ্জ কমিশন বিধিমালা, ২০২০ অনুযায়ী আর্থিক বিবরণীসমূহ এবং সংযুক্ত টীকাসমূহ তৈরী করা হয়েছে। এ বিবরণীসমূহ কোম্পানীর আর্থিক অবস্থা, সমাপ্ত বছরের কার্যক্রমের ফলাফল এবং নগদ অর্থ প্রবাহের সুষ্ঠু প্রতিফলন করে।
- খ) কোম্পানীর হিসাব বহিসমূহ সঠিকভাবে সংরক্ষিত হয়েছে।
- গ) আর্থিক বিবরণীসমূহ তৈরীতে সঠিক হিসাব নীতিমালাসমূহ যথাযথভাবে প্রয়োগ করা হয়েছে। তবে যেখানে এর ব্যত্যয় ঘটেছে তা প্রকাশ করা হয়েছে। হিসাব অনুমানসমূহ যুক্তি সঙ্গতভাবে ও বিচক্ষণতার সাথে করা হয়েছে।
- ঘ) আন্তর্জাতিক হিসাবমান অনুযায়ী আর্থিক বিবরণীসমূহ প্রস্তুত করা হয়েছে।
- ঙ) অভ্যন্তরীণ নিয়ন্ত্রণ ব্যবস্থা সুদৃঢ়ভাবে প্রণীত যার প্রয়োগ এবং পর্যবেক্ষণ অতীব কার্যকর।
- চ) চলমান প্রতিষ্ঠান হিসাবে কোম্পানীর সক্ষমতায় বিন্দুমাত্র কোন সন্দেহ নেই।
- ছ) নিয়ন্ত্রণকারী শেয়ারহোল্ডারগণ কর্তৃক প্রত্যক্ষ বা পরোক্ষভাবে গৃহীত বিনিয়োগ স্বার্থ পরিপন্থী সিদ্ধান্ত থেকে ক্ষুদ্র বিনিয়োগকারীগণ সুরক্ষিত।
- জ) অন্তর্বর্তীকালীণ লভ্যাংশ হিসেবে কোন প্রকার বোনাস শেয়ার বা স্টক ডিভিডেন্ড প্রদান করা হয়নি।
- ঝ) প্রতিবেদনকালীণ সময়ে কোন অস্বাভাবিক কার্যক্রম সংঘটিত হয়নি।
- ঞ) বিগত বছরের কার্যক্রমের তুলনায় তেমন গুরুত্বপূর্ণ কোন বিচ্যুতি নেই।

### পরিষদ সভায় উপস্থিতি

আলোচ্য বছরে কোম্পানীর ০৪ টি পরিষদ সভা অনুষ্ঠিত হয়। উক্ত সভাসমূহে পরিচালকদের উপস্থিতি বার্ষিক প্রতিবেদনে দেখানো হয়েছে।

### শেয়ারহোল্ডিং ধরন

বিএসইসি নোটিফিকেশন নং-বিএসইসি/সিএমআরআরসিডি/২০০৬-১৫৮/২০৭/এডমিন/৮০ তারিখঃ ০৩ জুন, ২০১৮-এর ক্রজ ১.৫ (xxiii) অনুযায়ী শেয়ারহোল্ডিং ধরন বার্ষিক প্রতিবেদনে দেখানো হয়েছে।

### উল্লেখযোগ্য আর্থিক তথ্য

কোম্পানীর বিগত পাঁচ বছরের সংক্ষিপ্ত ও উল্লেখযোগ্য আর্থিক তথ্যসমূহ বার্ষিক প্রতিবেদনে দেখানো হয়েছে।

### বেসিস অব রিলেটিভ পার্টি ট্রানজেকশন

আন্তর্জাতিক একাউন্টিং স্ট্যান্ডার্ড - ২৪ “রিলেটেড পার্টি ডিসক্লোজার অনুযায়ী” নিরীক্ষা প্রতিবেদনের নোট - ৩৭ এ রিলেটেড পার্টি ট্রানজেকশন প্রদর্শন করা হয়েছে।

### পরিচালকদের সম্মানী (স্বতন্ত্র পরিচালকসহ)

পরিচালকগণকে পর্ষদ মিটিং এর উপস্থিতির জন্য সম্মানী ব্যতীত অন্য কোন প্রকার বেতন বা সম্মানী ভাতা দেয়া হয় না। নিরীক্ষা প্রতিবেদনের নোট ৩৮(বি) তে পরিচালকদের মিটিং ফি এর একটি তালিকা প্রদান করা হয়েছে।

### পরিচালকদের সংক্ষিপ্ত জীবনবৃত্তান্ত

বিএসইসি নোটিফিকেশন নং-বিএসইসি/সিএমআরআরসিডি/২০০৬-১৫৮/২০৭/এডমিন/৮০ তারিখঃ ০৩ জুন, ২০১৮-এর ক্রজ ১.৫ (xxiv) অনুযায়ী পরিচালকদের সংক্ষিপ্ত জীবনবৃত্তান্ত বার্ষিক প্রতিবেদনে দেখানো হয়েছে।

### মুখ্য নির্বাহী কর্মকর্তা কর্তৃক স্বাক্ষরিত ব্যবস্থাপনা সংক্রান্ত প্রতিবেদন:

মুখ্য নির্বাহী কর্মকর্তা কর্তৃক স্বাক্ষরিত ব্যবস্থাপনা সংক্রান্ত প্রতিবেদন বার্ষিক প্রতিবেদনে দেখানো হয়েছে।

### মুখ্য নির্বাহী কর্মকর্তা ও প্রধান হিসাব রক্ষণ কর্মকর্তার প্রতিবেদন

কোম্পানীর মুখ্য নির্বাহী কর্মকর্তা ও প্রধান হিসাব রক্ষণ কর্মকর্তা পরিচালনা পরিষদ কর্তৃক প্রদত্ত নিয়মনীতি অনুযায়ী তাদের কার্যক্রম পরিচালনা করেছেন। এ সংক্রান্ত প্রতিবেদন সংযুক্তি-A-তে দেখানো হয়েছে।

### নিরীক্ষা কমিটির কার্যক্রমের উপর প্রতিবেদন

বিএসইসি নোটিফিকেশন নং-বিএসইসি/সিএমআরআরসিডি/ ২০০৬-১৫৮/২০৭/এডমিন/৮০ তারিখঃ ০৩ জুন, ২০১৮-এর ক্রজ ৫(৭) অনুযায়ী কোম্পানীর নিরীক্ষা কমিটির প্রতিবেদন বার্ষিক প্রতিবেদনে দেখানো হয়েছে।

### মনোনয়ন ও সম্মানী নির্ধারণ কমিটি

বিএসইসি এর ০৩ জুন, ২০১৮ তারিখে প্রকাশিত নোটিফিকেশন পরিপালনের জন্য পরিচালনা পরিষদের উপকমিটি হিসেবে ৩ সদস্য বিশিষ্ট মনোনয়ন ও সম্মানী নির্ধারণ কমিটি গঠন করা হয়েছে। উক্ত কমিটি পরিচালনা পরিষদকে স্বতন্ত্র পরিচালক ও কর্মকর্তাদের মনোনয়ন ও সম্মানী প্রদানের নিয়মনীতি প্রণয়ন ও পরামর্শ প্রদান করবে। কমিটির সদস্যদের নামের তালিকা বার্ষিক প্রতিবেদনে দেখানো হয়েছে।

### কর্পোরেট গভর্নেন্স ও কর্পোরেট গভর্নেন্স পরিপালন প্রতিবেদন

পূর্বের মতই প্রভাতী ইস্যুরেন্স কোম্পানী লিঃ-এর পরিচালনা পরিষদ সুশাসন ব্যবস্থার সর্বোচ্চমান প্রতিষ্ঠায় সর্বদা সচেতন এবং এরই ধারাবাহিকতায় কোম্পানীর শেয়ারহোল্ডার ও নীতিনির্ধারণকদের স্বার্থ রক্ষার জন্য ঐ সকল মানের উন্নতিসাধন করতে দৃঢ় প্রতিজ্ঞ। কোম্পানীর সুনির্দিষ্ট লক্ষ্য ও উদ্দেশ্য অর্জনের জন্য পরিচালনা পরিষদ কৌশলগত ও নীতিনির্ধারণী সিদ্ধান্ত গ্রহণ করে ব্যবস্থাপনাকে নির্দেশনা প্রদান করে।

বিএসইসি নোটিফিকেশন নং-বিএসইসি/সিএমআরআরসিডি/ ২০০৬-১৫৮/২০৭/এডমিন/৮০ তারিখঃ ০৩ জুন, ২০১৮ এর ক্রজ-৯(১) অনুযায়ী কোম্পানীর কর্পোরেট গভর্নেন্স পরিপালন সনদ সংযুক্তি-B-এ দেখানো হয়েছে।

বিএসইসি নোটিফিকেশন নং-বিএসইসি/সিএমআরআরসিডি/ ২০০৬-১৫৮/২০৭/এডমিন/৮০ তারিখঃ ০৩ জুন, ২০১৮ এর ক্রজ-৯(৩) অনুযায়ী কোম্পানীর কর্পোরেট গভর্নেন্স পরিপালন প্রতিবেদন সংযুক্তি-C-এ দেখানো হয়েছে।

### ভবিষ্যৎ

বীমা উন্নয়ন ও নিয়ন্ত্রণ কর্তৃপক্ষ (IDRA) দৃঢ়তা ও দক্ষতার সাথে বীমা শিল্পের বিদ্যমান অন্তরায়সমূহ চিহ্নিত করে একে একে তা দূরীভূত করার কার্যকর পদক্ষেপ গ্রহণ করে যাচ্ছে। গৃহীত পদক্ষেপগুলির মধ্যে উল্লেখযোগ্য হলো ট্যারিফ রেটের চেয়ে কম রেইটে ব্লক গ্রহণ এবং প্রিমিয়াম গ্রহণ ব্যতিরেকে বীমা ডকুমেন্ট ইস্যু করার প্রবণতা রোধ/বন্ধ করার লক্ষ্যে পদক্ষেপ গ্রহণ। IDRA এর গৃহীত পদক্ষেপগুলো বাস্তবায়নে বীমা কোম্পানীগুলো ও বাংলাদেশ ইস্যুরেন্স এসোসিয়েশন অত্যন্ত আন্তরিকতার সঙ্গে এগিয়ে যাচ্ছে। এতে বীমা কোম্পানীগুলো লাভবান হচ্ছে এবং ক্রমশঃ সমৃদ্ধির পথে এগিয়ে যাচ্ছে।

প্রভাতী ইস্যুরেন্স কোম্পানী লিঃ-এর উপর অপরিসীম বিশ্বাস ও আস্থা রাখায় আমাদের পক্ষ থেকে আপনাদেরকে হৃদয়ছোঁয়া ধন্যবাদ ও কৃতজ্ঞতা জানাই। আপনাদের বলিষ্ঠ সমর্থন ও দিকনির্দেশনা, বিশ্বাস ও আস্থায় আমরা ব্যবসায়িক ও অর্থনৈতিক চ্যালেঞ্জ মোকাবেলাপূর্বক এগিয়ে যাচ্ছি। আমাদের অগ্রযাত্রায় সবচেয়ে বড় উদ্দীপক শক্তি হিসাবে কাজ করে আসছে আপনাদের এ অনুপ্রেরণা।

### কৃতজ্ঞতাঞ্জ্ঞাপন

কোম্পানীর কার্যক্রমে সাহায্য ও সহযোগিতা প্রদানের জন্য সরকারী ও বেসরকারী ব্যাংকসমূহ, বিভিন্ন আর্থিক প্রতিষ্ঠান, ব্যক্তি মালিকানাধীন প্রতিষ্ঠান ও সর্বোপরি কোম্পানীর শেয়ারহোল্ডারগণের প্রতি কৃতজ্ঞতা জানাচ্ছি। পরিচালনা পরিষদ আরও ধন্যবাদ জানায় অর্থ মন্ত্রণালয়, বীমা উন্নয়ন ও নিয়ন্ত্রণ কর্তৃপক্ষ, বাংলাদেশ ইস্যুরেন্স এসোসিয়েশন, সাধারণ বীমা কর্পোরেশন, বাংলাদেশ সিকিউরিটিজ এন্ড এক্সচেঞ্জ কমিশন, ঢাকা স্টক এক্সচেঞ্জ পিএলসি, চট্টগ্রাম স্টক এক্সচেঞ্জ পিএলসি, সেন্ট্রাল ডিপোজিটরী বাংলাদেশ লিমিটেড, বাংলাদেশ এসোসিয়েশন অব পাবলিক লিষ্টেড কোম্পানীজ, রেজিষ্ট্রার অব জয়েন্ট স্টক কোম্পানীজ এন্ড ফার্মস, সকল সরকারী ও বেসরকারী সংস্থাকে তাঁদের সহযোগিতা প্রদানের জন্য।

আমরা আশা করি, কোম্পানীর সকল শ্রেণীর কর্মকর্তা ও কর্মচারীদের আন্তরিক কর্মনিষ্ঠা, অক্লান্ত পরিশ্রম ও ঐকান্তিক প্রচেষ্টার ফলে আমাদের প্রাণপ্রিয় প্রতিষ্ঠানটি আরও সমৃদ্ধির পথে এগিয়ে যাবে।

আপনাদের সকলকে ধন্যবাদ।

পরিচালকমন্ডলীর পক্ষে

  
চেয়ারম্যান